



Synfocity = 444

27th June, 2013

mail us at : mzsynfo@gmail.com; mizoramsynod@gmail.com - Phone - 2314648

□ Synod Revival Meet Vawi 2-na

Synod Revival Meet Vawi 2-na chu June 21-23 khan Tuikual Kohhranah tluang taka hman zawh a ni ta.

He meet-ah hian thupui 'Harhna dik' (Sam 80:18) hman a ni a, Synod Puipate leh Revival Speaker ruat bikten an insawi chhawk thin. Meet Secretary-te chu Rev. R.Lalchangliana, Director, Synod Revival leh Upa C.Lalmuankima, Synod Revival Committee Member te an ni.

Atan zan (June 21)-ah Rev. Lalramliana Pachua, Synod Moderator-in Inlawmna Thuchah a sawi a, June 22 (Inrinni) chawhma khan Upa Vanlalzuia, Church Revival Team Speaker hnen atangin thupui ngaihthlak tan a ni a; chawhnu lamah Pu Lalremruata, Sinners' Friend Team Speaker thusawi ngaihthlak chhonzawm a ni a; zanah Upa Vanlalngaia, Krista Thiante Team Speaker thusawi ngaihthlak chhonzawm leh a ni.

June 23 (Pathianni) chawhmaah Rev. R.Lalchangliana, Director, Synod Revival thusawi ngaihthlak chhonzawm leh a ni a, chawhnuah Pu Lalsangluia Sailo, Gospel Reapers' Team Speaker-in a sawi leh a, zanah Rev. P.C.Pachhunga, Executive Secretary i/c Revival thusawi ngaihthlak leh a ni baw. Inkhawm apiangin zaipawl hrang hrangte an zai thin baw. Inkhawm kar lakah Kohhran Hall-ah Inpawlhona (Lengkhawm) neih thin a ni a, Team hrang hrang Speaker-te'n inpawlhona hi an kaihruai thin a ni. Inpawlhonaah hian Joshua Operation Team leh Knight for Christ Team-in a inchhawkin zai an hruai a, Pathian biak inkhawm erawh chu thlengtu Kohhran lamin an hruai thung a ni.

Mikhualte tan hian Kohhranin Zirtawpni tlai leh Inrinni tlaiah Kohhran Hall-ah ruai a buatsaihsak a, tum dangah erawh chuan Reception & Lodging Sub-Committee-in thlen in tur an buatsaihsakah an ei thin thung.

Mikhual inziak lut hi Team 69 an ni a, inrinni chawhnu lam thleng khan mi 532 an ni a, heng zinga mi 163 chu riak lut niin mi 369 chu lãnga kal an ni. Riak lut zinga 143 chu Kohhran Hall-ah riakin mi 20 chu Kohhran chhungkaw in dangah an thleng thung a ni.

Kumin hi Synod Revival Meet Vawi 2-na chauh a ni a, nikum khan a Vawi 1-na chu Mission veng Kohhran-in an thleng a ni. Tun tum Meet atan hian thlengtu Kohhran chu theihtawp chhuahin an inbuatsaih a. Kohhran Committee chuan Organising Committee dinin an hnuai hian Sub-Committee hrang hrang 12 din a ni a. Organising Committee hi wawi thum (3) thukhawmin Sub-Committee hrang hrang budget an siam a, budget hi Rs. 2,89,995/- a ni.

□ Synod Mission Board

- ♦ June 22 - 24 khan N.E. Khawdungsei Kohhranah Ramthar Campaign neih a ni a, hemi neihpui hian Upa Lalrinmuana, Synod Mission Board Coordinator; Upa H. Ngurkhuma, Mission Promoter leh Ni. Lalremtluangi, Missionary te an kal.

- ♦ June 22 khan Siliguri Field chhunga Gujrimari, Hatidanga Bialah mi paliin Field Secretary, Rev. B. Zobiaktluanga kutah baptisma an chang.

- ♦ June 23 khan Patna Mission Field, Patna South Pastor Bial Mandiri-ah mi 12 in Bialtu Pastor, Rev. Lalhminghluah kutah Baptisma an chang a. Patna North Pastor Bial, Samastipur ah mi 15 in Bialtu Pastor, Rev. Zairemtluanga kutah Baptisma an chang baw.

- ♦ June 23 khan Patna North Pastor Bial, Patahara kuaah Pathian khawngaihna avangin Biak In thar, Patna Mission Field Secretary Rev. R. Lalhmingsang'a hawng. Biak In sak hna hi November 23, 2012 khan tan a ni a, thla 6 a pum hlum chiah tihin hawn theiha peih fel a ni. He Biak In hi Patna Mission Field-in a sual chhuah liau liau a ni.

- ♦ Kum 2013 (January - May) thlenga Barak Area Ringthar neih tawh zat :

I. Presbytery (Bengali leh project dang zawng) Lam

1. Silchar Bial	:	19
2. Karimganj Bial	:	7
3. Pailapool Bial	:	1
4. Hailakandi Bial	:	4
5. Udharbond Bial	:	3
Total	:	34

II. Joint Pastorate (Meitei chauh) lam:

1 Pailapool	:	4
2 Kabuganj	:	5
3 Lala Bial	:	0
4 Jiribam Bial	:	8
Total	:	17

□ Social Front

June 24 - 28 hian Christian Medical Association of India chuan Synod Social Front leh State Vector Borne Disease Control Program (SVBDP), Mizoram nen tangkawpin Zosaphluia Building, Mission Vengah Community Health Volunteer Training a buatsaih mek a, training-ah hian mi 33 an tel a ni.

CMAI leh Synod Social Front hmalak meknaah hian Aizawl, Mamit, Kolasib, Serchhip leh Champhai District huamchhungah ngawrh taka hma lak a ni a. Thawktu - District Project Officer - 3, Secretary Assistant - 3, Supervisor - 14 leh Cluster Coordinator- 53 bakah Kohhran aiawh Volunteer-715 an awm a, an vai hian Malaria dona kawngah theihtawpin hma an la mek ani.

□ Kristian Thalai Pawl

- ♦ Association for Voluntary Blood Donation (AVBD) leh Mizoram State AIDS Control Society (MSACS) te tangkawp programme buatsaih World Blood Donor Day (June 14, 2013)-ah CKTP hnenah Kristian Thalai Pawl hminga thisen pek that lawmman/chawimawina Special Award, Frame Certificate leh Water Filter hlan a ni a, Leader Rev. Lalrinmawian CKTP aiawhin a dawng a ni. Kum 2012 -2013 chhunga KTP ten thisen an pek zat hi unit 4,780 a ni a, Mizorama thisen pek zawng zawng 94% a tling a ni. CKTP-in Blood Donation Calendar a siam zuiin kum tluanin Branch/Bial ten thisen hi an inpek chhawk thin a, hei bakah hian Branch/Bial din champha (anniversary/jubilee), Good Friday/ Easter leh ni pawimawh dang denchenin KTP te hian thisen an pe thin baw a ni.

- ♦ June 29-30 hian Bawngkawn Hmarveng Branch Leadership Training neihpuiin CKTP hruaitu T.Upa Lalremsiama leh Tv. R. Lalruatkima te an kal ang.

- ♦ June 29 vek hian Sihphir Vengthar Bial KTP Meet hmanpuiin T.Upa Zohmangaiha (Fin. Secy) leh Pu Lalmuanpuia Hrahse (Com. member) te an kal baw ang.

- ♦ July 28 (Zirtawpni) tlai dar 4:00 ah Synod Committee Room No. 1-ah CKTP Committee an thukhawm ang a, KTP General Conference 2014/Diamond Jubilee lawmna programme an thir ho ang.

Contd...

- ♦ June 27 (Ningani) zan dar 7:00 hian Mizoram Synod Choir music video thar "I tap thawmah i Lalpa a tho ta" tih chu Choir Cabin, Synod Conference Centre-ah General Secretary Upa Zonunmawian Pathian hnenah hlanin a tlangzarh ang.
Synod Choir hian music video album an buatsaih mek a, nakkum KTP General Conference/Diamond Jubilee (2014) lawmnaah tlangzarh a ni ang.
- ♦ June 29-30 hian East Phaileng Bial leh Khawruhlian Bial te chuan East Phaileng Kohhran Biak In-ah Joint KTP Meet an hmang dawn a, CKTP hruaitu Pu Vanlalhruaia (Com. member/Synod Choir Director) leh Synod Choir ten an hmanpui ang.
- **Workshop on Life Skills of a Teacher**
July 4 (Ningani) hian Campus Ministry chuan Life Skills of a Teacher tih thupui hmangin Kolasib-ah Workshop an buatsaih dawn a, hetah hian Kolasib khaw chhunga Government School, Aided School leh Private School (Elementary School atanga College) zirtirtu zawng zawngte tel tura beisei an ni.
Kolasib Diakkawn Presbyterian Kohhran Hall-ah Primary School leh Middle School-te tan hun hman a ni ang a, Kolasib Venglai Presbyterian Kohhran Hall-ah High School, Higher Secondary School leh College-te tan hun hman a ni thung ang. Workshop neihpui tur hian Rev. V.L. Krosschhuanmawia i/c Campus Ministry, Upa Ngurthanmawia, Campus Ministry Commt. Member; Upa Dr. B. Lalrinsanga, Ramhlun Vengchhak; Upa V.L. Zahawma, Ramhlun North leh Tv. C. Lalremruata, Outreach Worker te an kal ang.
High School leh Higher Secondary School zirlaite pualin July 3 Nilaini) chawhnu lamah hun hman a ni bawk dawn a, hetah hian zirlaite questionnaire chhan tir a ni ang.
Campus Ministry hian December 12, 2012 khan Aizawl hmun hrang hrang 11-ah leh May 3 & 10 khan Saitual leh Mamit-ah te Life Skills of a teacher tih thupui hmangin school zirtirtute nen workshop hlawhtling tak an lo buatsaih tawh bawk a ni.
- **MSSU**
 - ♦ June 29 (Inrinni) hian Kawrthah Bial huapin Kawrthah Kohhranah Sunday School Zirtirtu Training neih a ni dawn a, training neihpui tur hian Tual Upa Lalthahluna Ralte, MSSU Asst. Coordinator; Upa K. Vanlalnghaka, Ramhlun East leh Pu Ramthansanga Khiangte, Republic Veng (MSSU Trainers) te an kal ang.
 - ♦ June 29 (Inrinni) Centenary Kohhranah Sunday School Zirtirtu Training neih a ni dawn a, training neihpui tur hian Pu John Lalhruaitluanga, MSSU Asst. Coordinator; Upa B. Lalhmunliana, Bethlehem Venglai leh T. Upa F. Lalenghluna, Ramhlun Vengthar (MSSU Trainer) te an kal ang.
- **Hruaina Eng FM Radio & TV Programme**
 - ♦ **JUNE 28 (FM Zoawi Aizawl @ 7:30 p.m.) :**
Duet : Lallungmuana & Zoramchhani, **Zaipawl :** Mizo Zaipawl - Ka lei taksa hi, **Thusawi :** Upa K. Vanlalnghaka - Tleirawite mizia leh enkawl dan, **Solo :** Lalrinawma - Hriatchian leh zual che ka duh em, **Zaipawl :** TBZ choir - Chawimawi r'u
 - ♦ **JUNE 28 (FM Lunglei @ 7:30 p.m.) :**
Choir : TBZ Zaipawl - Chawimawi r'u, Mizo Zaipawl - Ka lei taksa, **Solo/Group :** Lallungmuana & Zoramchhani - I hlu ber e, **News tawi, Thuchah :** Rev. C. Lianhmingthanga - Pathian Lehkhabu tangkaina
 - ♦ **JUNE 30 (TV Programme @ 3:00 p.m.) :**
Zaipawl : Mizoram Synod Choir - I Tap Thawm, **Sermon :** Rev. P.C. Pachhunga - Harhna Dik, **Zaipawl :** Champhai VT Bial Zaipawl - Kan thilung hi kan hlan a che, **KTP Film Playback :** Lunglei Chanmari - Midang tana malsawmna, **Zaipawl :** Chanmari Pastor Bial - Chatuanin kan cheng tawh ang, **Playback :** Odhisa Crusade 2012
- **Susamachar Prasaran Programme**
JUNE 30 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Vaivakawn Kohhran - Jay Jay Prabhu, **Group/Choir/Solo :** Republic Veng Masihi Sangati - Dilki, **Sermon :** Lalramzauva - Apne Margong Ka Dhyan karo, **Group/Choir/Solo :** Bungkawn Vengthar - Aaja Prabhu, **Group/Choir/Solo :** Central PYF Choir - Krus Par
- **Moderator Programme**
Synod Moderator Rev. Lalramliana Pachuau chuan hetiang hian hun a hmang ang :
 - ♦ June 30 (Pathianni) Zan : Bawngkawn Kohhran
 - ♦ July 1 - 5 : PCI General Assembly Working Committee, Shillong

REV. WILLIAM WILLIAMS-A CHANCHIN

Synod Executive Committee (SEC) in Rev. William Williams-a chanchin a buatsaih chu Kohhran mipuite hnenah sem tur, Synod Office-ah a lam theih e.

KOHRAN NUMBER CHUNGCHANG

SEC 245:57 of 4 - 6 June, 2013-in Kohhran Registration Number siam thar leh thu a rel bawhzuiin OM 13:14 of June 19, 2013 chuan Kohhran Number la nei lote tan Synod Office-ah in register theih reng a ni e.

REV. VANLALZUATA
Senior Executive Secretary

SYNOD REVIVAL MEET 2013

Video DVD

Information & Publicity Department

Synod Office, Mission Veng-ah lei theih reng a ni.

Rs.50/-
per DVD

